

1. okt. 1872) a tohodla towařšnistwo z wobmjezowanym rukowanjom tworić. Po tutech wustawkach wuzwolichu so jutry 1873 do předsydstwa J. E. Smoleř jako předsyda (štož bě hižo wot 18. dec. 1872), Hórnik jako městopředsyda, Łusčanski jako I. a dr. med. Dučman jako II. sekretář, překupec Jakub jako pokładnik, Fiedleř jako knihownik; do wubjerka pak přińdžechu: farař Imiš z Hodźija, farař dr. Kalich z Wujezda, farař Brósk z Křišowa, a kapłan Dučman z Radworja, a zastupnicy tutech buchu: mištr Wendleř, wučer J. Kral z Budyšina, wučer Kral ze Sokolnicy a farař Jenč w Palowje.

Wot našeho Smolerja kupjeny, ale z wulkim dołhom wobćeženy maćičny dom drje so wot towařstwa přewza, ale Smoleř jako załožeř rukowaše za jeho zadanjenje a kryješe deficit.

Domu dla bě předžěłanje wustawkow po nowym prawje trěbne a tak wuradźichu so meje 1875 nětko plaćace „nowe wustawki M. S.“, kotrež wyšnosć w novembru wobtwjerdzi. Na to stachu so nowe wólby na jutrownej zhromadźiznje 1876. Smoleř bu předsyda, Hórnik městopředsyda, Łusčanski (jenički) sekretář, Mjeřwa pokładnik, Fiedleř knihownik (štož bě hižo 1872 a prjedy), Kapleř knihiskładnik; do wubjerka (abo wobkedźbowanskeje rady) wuzwolichu so: Imiš, Jenč, murjeřski mištr Wendleř a kapłan Dučman z Radworja.

W předsydstwje a wubjerku nastupichu po něčim někotre přeměnenja. Předsyda běše Smoleř hač do jutrow 1882, a nochcyše so tehdy z nowa wuzwolić dać, dokelž běše khorowaty a hišće w dalokej cuzbje přebywaše; za to pak počesćichu jeho z čestnym předsydstwom na čas žiwjenja. Z horjejšeje přičiny woteda Smoleř tež paršonske zarjadnistwo a rukowanje maćičneho domu, kotryž wot 1. januara 1882 cyle do rukow Maćicy přeńdže. Dotalny městopředsyda Hórnik bu jutry 1882 z předsydu. — Městopředsydstwo dosta tehdy farař dr. Kalich. — Pisma-wjedžeř bu najprjedy Łusčanski, po jeho přesydlenju do Prahi přińdže přez optaciju kapłan Róla januara 1877 na jeho město a na hłownej zhromadźiznje 1881 wuzwoli so na město ćežcy khoreho Róla († meje 1881) dr. Muka. Hdyž tutón na gymnasium do Kamjenicy so přesadzi, nastupi w septembru 1881 přez kooptaciju Jurij Nowak, a po přesydlenju tutoho meje 1884 kapłan